



" KEPERLUAN ZIKIR DALAM KEHIDUPAN SEHARIAN "

الْحَمْدُ لِلَّهِ الْقَائِلِ: الَّذِينَ يَذْكُرُونَ اللَّهَ قِيَمًا وَقُعُودًا
وَعَلَىٰ جُنُوبِهِمْ وَيَتَفَكَّرُونَ فِي خَلْقِ السَّمَوَاتِ
وَالْأَرْضِ رَبَّنَا مَا خَلَقْتَ هَذَا بَطْلًا تُسَبِّحُكَ
فَقِنَا عَذَابَ النَّارِ .

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ
وَأَشْهَدُ أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ
وَسَلِّمْ عَلَىٰ سَيِّدِنَا مُحَمَّدٍ وَعَلَىٰ آلِهِ وَأَصْحَابِهِ
أَجْمَعِينَ.

أَمَّا بَعْدُ، فَيَا أَيُّهَا الْمُسْلِمُونَ! اتَّقُوا اللَّهَ، أَوْصِيكُمْ
وَأَيَّايَ بِتَقْوَى اللَّهِ فَقَدْ فَازَ الْمُتَّقُونَ. قَالَ اللَّهُ



تَعَالَى: يَا أَيُّهَا الَّذِينَ ءَامَنُوا اتَّقُوا اللَّهَ حَقَّ تَقَاتِهِ، وَلَا
تَمُوتُنَّ إِلَّا وَأَنتُمْ مُسْلِمُونَ.

Sidang Jumaat Yang Dirahmati Allah,

Marilah sama-sama kita meningkatkan ketakwaan kepada Allah SWT dengan penuh ketaatan, keyakinan dan keikhlasan. Iaitu dengan melaksanakan segala suruhan-Nya dan meninggalkan segala larangan-Nya. Mudah-mudahan kita menjadi insan yang berjaya di dunia dan di akhirat.

Tajuk khutbah kita pada kali ini adalah **“Keperluan Zikir Dalam Kehidupan Sehari-hari”**.

Sidang Jumaat Yang Dirahmati Allah,

Zikir merupakan sebaik-baik ibadat, ketaatan dan taqarrub kepada Allah SWT. Zikir bermaksud perbuatan dan amalan mengingati Allah SWT dengan menyebut lafaz-lafaz tertentu seperti lafaz *tasbih* (سبحان الله), *tahmid* (الحمد لله), *takbir* (الله أكبر), *tahlil* (لا إله إلا الله), berselawat, berdoa dan sebagainya sama ada dengan lidah atau dengan hati. Perintah supaya sentiasa berzikir dan mengingati Allah SWT banyak disebutkan dalam al-Quran, antaranya;

Firman Allah SWT dalam surah al-Ahzab ayat 41-42:



يَا أَيُّهَا الَّذِينَ ءَامَنُوا اذْكُرُوا اللَّهَ ذِكْرًا كَثِيرًا
وَسَبِّحْهُ بُكْرَةً وَأَصِيلًا

“Wahai orang-orang yang beriman, ingatlah serta sebutlah nama Allah sebanyak-banyaknya; dan bertasbihlah kepada-Nya pada waktu pagi dan petang”.

Berdasarkan ayat tersebut dan dalil-dalil yang lain, ulama mengulas bahawa perintah berzikir dan mengingati Allah SWT mempunyai keunikan dan keistimewaan tersendiri berbanding perintah-perintahNya yang lain. Antaranya, perintah berzikir dan mengingati Allah SWT tidak terbatas dengan bilangan tertentu seperti perintah solat lima waktu. Perintah berzikir dan mengingati Allah SWT tidak dikhususkan perlaksanaannya pada waktu-waktu tertentu seperti perintah solat, puasa, zakat dan haji. Sebaliknya perintah berzikir dan mengingati Allah SWT ialah dengan sebanyak-banyaknya, pagi dan petang serta dengan hati, lidah dan juga anggota. Perintah berzikir dan mengingati Allah SWT juga perlu dilaksanakan sama ada secara perseorangan atau berkumpulan, secara senyap atau nyaring dan di masjid atau di tempat-tempat lain.

Sidang Jumaat Yang Dirahmati Allah,

Terdapat banyak ayat al-Quran, hadis dan athar yang menyatakan kelebihan berzikir dan mengingati Allah SWT. Antaranya ialah:

Pertama : Berzikir dan mengingati Allah SWT menjanjikan pengampunan dan ganjaran pahala yang besar.

Firman Allah SWT di dalam surah al-Ahzab ayat 35:



...وَالذَّاكِرِينَ اللَّهَ كَثِيرًا وَالذَّاكِرَاتِ
أَعَدَّ اللَّهُ لَهُمْ مَغْفِرَةً وَأَجْرًا عَظِيمًا ﴿٣٥﴾

"...Dan orang lelaki yang (berzikir) menyebut nama Allah dengan sebanyak-banyaknya serta orang-orang perempuan yang menyebut nama Allah dengan sebanyak-banyaknya, Allah telah menyediakan bagi mereka semua keampunan dan pahala yang besar".

Kedua : Majlis zikir dan mengingati Allah SWT dengan pembacaan al-Quran dan sebagainya adalah majlis yang dikerumuni para malaikat, membawa rahmat dan ketenangan kepada mereka turut serta dalam majlis tersebut.

Hadis daripada Abu Hurairah R.A bahawa Rasulullah S.A.W bersabda:

وَمَا اجْتَمَعَ قَوْمٌ فِي بَيْتٍ مِنْ بُيُوتِ
اللَّهِ يَتْلُونَ كِتَابَ اللَّهِ وَيَتَدَارَسُونَهُ
بَيْنَهُمْ إِلَّا نَزَلَتْ عَلَيْهِمُ السَّكِينَةُ



وَعَشِيَّتِهِمُ الرَّحْمَةَ وَحَفَّتُهُمُ الْمَلَائِكَةُ
وَذَكَرَهُمُ اللَّهُ فِيمَنْ عِنْدَهُ.

"Tidak berhimpun satu kaum di mana-mana masjid sedang mereka membaca kitab Allah (al-Quran) dan mereka mendalaminya sesama mereka, melainkan diturunkan ke atas mereka ketenangan, diliputi dengan rahmat-Nya dan dikelilingi oleh para malaikat dan Allah menyebut-nyebut mereka kepada para Malaikat yang berada bersamanya".

(Riwayat Muslim)

Ketiga : Ahli zikir merupakan semulia makhluk di sisi Allah SWT pada hari kiamat. Ahli zikir adalah mereka yang suka berzikir dan menyertai majlis zikir. Majlis zikir turut disebutkan sebagai majlis yang paling mulia di sisi Allah SWT.

Daripada Abu Said al-Khudri RA bahawa Rasulullah S.A.W. bersabda:

يَقُولُ الرَّبُّ عَزَّ وَجَلَّ: سَيَعْلَمُ أَهْلُ
الْجَمْعِ الْيَوْمَ مَنْ أَهْلُ الْكَرَمِ. فَقِيلَ:



وَمَنْ أَهْلُ الْكَرَمِ يَا رَسُولَ اللَّهِ؟
قَالَ: أَهْلُ الذِّكْرِ فِي الْمَسَاجِدِ.

"Allah Azza wa Jalla berfirman akan pada hari kiamat: Semua golongan akan menegetahui siapakah golongan yang paling mulia. Rasulullah SAW ditanya: Siapakah golongan yang paling mulia itu ya Rasulullah? Baginda menjawab: Ahli zikir di rumah-rumah Allah".

(Riwayat Ahmad)

Keempat : Zikir merupakan penyelamat daripada azab Allah SWT. Daripada Muaz bin Jabal RA bahawa Rasulullah S.A.W. bersabda:

مَا شَيْءٌ أَنْجَى مِنْ عَذَابِ اللَّهِ مِنْ
ذِكْرِ اللَّهِ.

"Tiada sesuatu yang dapat menyelamatkan seseorang daripada azab Allah SWT selain zikir kepadanya".
(Riwayat At-Tirmidzi)

Sidang Jumaat Yang Dirahmati Allah,

Selain galakkan berzikir dan mengingati Allah SWT serta kelebihan-kelebihan yang dinyatakan melalui al-Quran dan hadis, di sana terdapat



ancaman kepada mereka yang melalaikan zikir dan mengingati Allah SWT. Di antara ancaman tersebut ialah:

Pertama : Mereka yang jauh daripada berzikir dan mengingati Allah SWT lebih mudah dipengaruhi syaitan seterusnya lahirlah dosa dan kerosakan.

Firman Allah SWT dalam surah al-Zukhruf ayat 36 dan 37:

وَمَنْ يَعْشُ عَنْ ذِكْرِ الرَّحْمَنِ نُقِيضْ لَهُ شَيْطَانًا فَهُوَ لَهُ قَرِينٌ ﴿٣٦﴾ وَإِنَّهُمْ لَيَصُدُّونَهُمْ عَنِ السَّبِيلِ وَيَحْسَبُونَ أَنَّهُمْ مُّهْتَدُونَ ﴿٣٧﴾

"Sesiapa yang memalingkan diri daripada pengajaran (al-Quran yang diturunkan oleh Allah) Yang Maha Pemurah, maka Kami akan jadikan baginya syaitan, lalu syaitan itu menjadi temannya yang tidak pernah berpisah daripadanya. Dan sesungguhnya syaitan-syaitan itu tetap menghalangi mereka daripada jalan yang benar, sedangkan mereka menyangka bahawa mereka adalah orang yang mendapat hidayah".

Kedua : Lalai daripada berzikir dan mengingati Allah SWT mengundang kemurkaan Allah SWT.



Daripada Abu Hurairah RA bahawa Rasulullah S.A.W. bersabda:

مَا جَلَسَ قَوْمٌ مَجْلِسًا لَمْ يَذْكُرُوا
اللَّهَ فِيهِ وَلَمْ يُصَلُّوا عَلَى نَبِيِّهِمْ إِلَّا
كَانَ عَلَيْهِمْ تَرَةٌ فَإِنْ شَاءَ عَذَّبَهُمْ
وَإِنْ شَاءَ غَفَرَ لَهُمْ.

"Tidak duduk suatu kaum pada suatu majlis sedang mereka tidak berzikir kepada Allah dan tidak berselawat ke atas Nabi SAW melainkan ke atas mereka kekurangan (berkat). Jika Allah menghendaki, mereka disiksa dan jika Dia menghendaki, mereka diberi pengampunan". (Riwayat At-Tirmidzi)

Ketiga : Lalai serta kurangnya zikir dan mengingati Allah SWT merupakan sebahagian tanda dan sifat orang munafik. Berkata Syeikh Abu al-Hasan al-Syazuli: *"Diantara tanda munafik itu ialah beratnya zikir ke atas lidah. Bertaubat kepada Allah SWT meringankan lidah untuk berzikir."*

Firman Allah SWT dalam surah an-Nisa ayat 142:



إِنَّ الْمُنَافِقِينَ يُخَادِعُونَ اللَّهَ وَهُوَ خَدِعُهُمْ وَإِذَا قَامُوا إِلَى الصَّلَاةِ قَامُوا كَسَالَى يُرَآءُونَ النَّاسَ وَلَا يَذْكُرُونَ اللَّهَ إِلَّا قَلِيلًا

"Sesungguhnya orang munafik itu melakukan tipu daya (terhadap agama) Allah (dengan pura-pura beriman sedang mereka kafir pada hakikatnya), dan Allah pula tetap membalas tipu daya mereka (dengan membiarkan mereka dalam keadaan munafik). Apabila mereka berdiri untuk bersolat, mereka berdiri dengan malas. Mereka (hanya bertujuan) riak (menunjuk-nunjuk) kepada manusia (supaya disangka bahawa mereka orang yang beriman), dan mereka pula tidak mengingati Allah melainkan sedikit sekali (jarang-jarang sekali mengerjakan solat)".

Sidang Jumaat Yang Dirahmati Allah,

Kesimpulan khutbah yang dapat diambil pada hari ini ialah:

Pertama : Perintah berzikir dan mengingati Allah SWT tidak terbatas kepada waktu, masa dan tempat tertentu sebagaimana perintah dan kefarduan yang lain. Sebaliknya setiap mukmin diperintahkan untuk berzikir



dan mengingati Allah SWT dengan sebanyak-banyaknya pada setiap tempat dan waktu.

- Kedua : Berzikir dan mengingati Allah SWT mempunyai kelebihan yang banyak. Antaranya, berzikir mengundang rahmat, keampunan, ketenangan dan sebagainya.
- Ketiga : Ancaman kerana melalaikan zikir dan mengingati Allah SWT tercatat banyak di dalam al-Quran dan hadis-hadis. Antaranya, kelalaian berzikir mengundang kemurkaan Allah SWT, jiwa mudah dipengaruhi dan dikuasai syaitan dan sebagainya.
- Keempat : Amalan zikir sebagaimana yang diajarkan oleh ulama silam dan diamalkan pada hari ini seperti zikir selepas solat secara perseorangan atau berjemaah, majlis bacaan Yasin dan tahlil atau sebagainya merupakan sebahagian daripada majlis yang digalakkan.

أَعُوذُ بِاللَّهِ مِنَ الشَّيْطَانِ الرَّجِيمِ
فَإِذَا قُضِيَتِ الصَّلَاةُ فَانْتَشِرُوا فِي الْأَرْضِ وَابْتَغُوا
مِنْ فَضْلِ اللَّهِ وَادْكُرُوا اللَّهَ كَثِيرًا لَعَلَّكُمْ تُفْلِحُونَ





"Kemudian setelah selesai solat, maka bertebaranlah kamu di muka bumi (untuk menjalankan urusan masing-masing), dan carilah limpah kurniaan Allah, serta ingatilah Allah sebanyak-banyaknya (dalam setiap keadaan), supaya kamu berjaya (di dunia dan di akhirat)".

(Al-Jumu'ah: 10)

بَارَكَ اللَّهُ لِي وَلَكُمْ بِالْقُرْآنِ الْعَظِيمِ،
وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ
الْحَكِيمِ وَتَقَبَّلَ مِنِّي وَمِنْكُمْ تِلَاوَتَهُ، إِنَّهُ هُوَ
السَّمِيعُ الْعَلِيمُ.

أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي
وَلَكُمْ وَلِسَائِرِ الْمُسْلِمِينَ وَالْمُسْلِمَاتِ،
فَاسْتَغْفِرُوهُ إِنَّهُ هُوَ الْغَفُورُ الرَّحِيمُ.



KHUTBAH KEDUA

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا
مِنَ الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ، لَا
شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ، وَرَسُولُهُ.

اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ
وَعَلَى آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى يَوْمِ
الدِّينِ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ فَقَدْ فَازَ
الْمُتَّقُونَ. قَالَ اللَّهُ تَعَالَى: إِنَّ اللَّهَ وَمَلَائِكَتَهُ
يُصَلُّونَ عَلَى النَّبِيِّ يَا أَيُّهَا الَّذِينَ آمَنُوا صَلُّوا
عَلَيْهِ وَسَلِّمُوا تَسْلِيمًا.



اللَّهُمَّ صَلِّ وَسَلِّمْ عَلَى سَيِّدِ الْمُرْسَلِينَ وَارْضَ
اللَّهُمَّ عَنْ أَصْحَابِهِ وَقَرَابَتِهِ وَأَزْوَاجِهِ وَذُرِّيَّاتِهِ
أَجْمَعِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ
وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ، إِنَّكَ سَمِيعٌ
قَرِيبٌ مُجِيبُ الدَّعَوَاتِ وَيَا قَاضِيَ الْحَاجَاتِ. اللَّهُمَّ
إِنَّا نَسْأَلُكَ وَنَتَوَسَّلُ إِلَيْكَ بِنَبِيِّكَ الْأَمِينِ، وَنَسْأَلُكَ
بِأَسْمَائِكَ الْحُسْنَى وَصِفَاتِكَ الْعُظْمَى أَنْ تَحْفَظَ بَعَيْنَ
عِنَايَتِكَ الرَّبَّانِيَّةِ وَبِحِفْظِ وَقَايَتِكَ الصَّمَدَانِيَّةِ، جَلَالَةَ
مَلِكِنَا الْمُعْظَمِ سُلْطَانَ سَلَاعُورِ، سُلْطَانَ شَرَفِ الدِّينِ
ادريس شاه الحاج ابن المرحوم سُلْطَانَ صَلاَحِ الدِّينِ
عبد العزيز شاه الحاج.

اللَّهُمَّ أَدِمِ الْعُونَ وَالْهَدَايَةَ وَالتَّوْفِيقَ، وَالصِّحَّةَ
وَالسَّلَامَةَ مِنْكَ، لِيَوْلِيَّ عَهْدِ سَلَاعُورِ، تَعَكَوْ أَمِيرِ شَاهِ



إِبْنِ السُّلْطَانِ شَرَفُ الدِّينِ اِدْرِيسِ شَاهِ الْحَاجِ فِي
أَمْنٍ وَصَلَاحٍ وَعَافِيَةٍ بِمَنِّكَ وَكَرَمِكَ يَا ذَا الْجَلَالِ
وَإِكْرَامِ. اَللّٰهُمَّ اَطِّلْ عُمْرَهُمَا مُصْلِحِيْنَ لِلْمُوْظَفِيْنَ
وَالرَّعِيَّةِ وَالْبِلَادِ، وَبَلِّغْ مَقَاصِدَهُمَا لِطَرِيْقِ الْهُدٰى
وَالرِّشَادِ.

Ya Allah, Engkaulah Tuhan yang berkuasa, kami bersyukur kehadiran-Mu yang melimpahkan rahmat dan nikmat, sehingga kami dapat meneruskan usaha ke arah memperkukuhkan negara umat Islam khususnya negeri Selangor, sebagai negeri idaman, maju, sejahtera dan berkeadilan.

Justeru, kami pohon kehadiran-Mu ya Allah, tetapkanlah iman kami, tingkatkanlah amal kami, kukuhkanlah perpaduan kami, murahkanlah rezeki kami, tambahkan kami dengan ilmu dan kemahiran, suburkanlah jiwa kami dengan akhlak mulia, lindungilah kami daripada ujian-Mu yang berat seperti kemarau panjang, banjir besar, wabak penyakit, persengketaan, kemiskinan dan lain-lain, supaya hidup kami akan sentiasa bertambah makmur dan berkat.

Ya Allah, bukannya hati kami, untuk melaksanakan ibadah zakat sebagaimana yang telah Engkau fardhukan. Berkatilah hidup orang yang melaksanakan tuntutan berzakat dan menyayangi fakir dan miskin. Sucikanlah harta dan jiwa mereka, lindungilah golongan fuqara' dan masakin daripada kekufuran dan kefakiran yang berpanjangan.



Demikian jua Ya Allah, tambah dan luaskanlah rezeki orang yang mewakafkan hartanya di negeri ini, limpahkanlah nikmat iman dan kesihatan yang berpanjangan kepada mereka, terimalah wakaf mereka dengan ganjaran pahala yang berkekalan hingga ke hari akhirat.

رَبَّنَا هَبْ لَنَا مِنْ أَزْوَاجِنَا وَذُرِّيَّاتِنَا قُرَّةَ أَعْيُنٍ
وَأَجْعَلْنَا لِلْمُتَّقِينَ إِمَامًا. رَبَّنَا ءَاتِنَا فِي الدُّنْيَا حَسَنَةً
وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ
وَإِيتَايَ ذِي الْقُرْبَىٰ وَيَنْهَىٰ عَنِ الْفَحْشَاءِ
وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ



فَاذْكُرُوا اللَّهَ الْعَظِيمَ يَذْكُرْكُمْ وَاشْكُرُواهُ عَلَىٰ
نِعْمِهِ يَزِدْكُمْ، وَاسْأَلُوهُ مِنْ فَضْلِهِ يُعْطِكُمْ وَلَذِكْرُ
اللَّهِ أَكْبَرُ وَاللَّهُ يَعْلَمُ مَا تَصْنَعُونَ.